

Saya dipecat kerana kritik 1MDB, dana RM2.6b – Mukhriz
Free Malaysia Today
February 3, 2016
By Mohamad Fadli

UMNO berada pada titik paling lemah selagi Najib Tun Razak berkuasa.

ALOR SETAR: Datuk Seri Mukhriz Mahathir mendakwa dipecat kerana kritiknya terhadap Perdana Menteri Datuk Seri Razak dalam isu skandal 1Malaysia Development Berhad (1MDB) dan derma RM2.6 bilion.

Katanya disebabkan kritikan itu disuarakan kepada Perdana Menteri Datuk Seri Najib Razak, beliau dipecat sebagai Menteri Besar Kedah.

“Sesungguhnya alasan sebenar tindakan ini diambil ke atas saya ialah kritikan yang telah saya suarakan terhadap Perdana Menteri seperti yang beliau sendiri akui.

“Kritikan yang dimaksudkan adalah mengenai skandal 1Malaysia Development Berhad (1MDB) dan wang “derma” RM2.6 bilion dan meningkatnya bebanan sara hidup rakyat akibat dari Cukai Barangan dan Perkhidmatan (GST).

“Kesengsaraan rakyat dari bebanan ini bertambah parah apabila skandal tersebut melibatkan penyelewengan wang rakyat sebegitu banyak,” katanya.

Mukhriz yang juga ADUN Ayer Hitam turut mengkritik kepimpinan Najib.

“Saya minta maaf untuk mengatakan selagi Najib masih ada, UMNO akan berada pada titik yang paling lemah ketika ini.

“Skandal demi skandal, kita tidak boleh terima semua ini. Ini sudah melampau. Ini trauma kita semua. Kita tidak boleh lagi merasa bangga apabila kita ke luar negara,” katanya lagi.

Copyright (C) 2009-2016 MToday News Sdn. Bhd. All Rights Reserved.

Source: <http://www.freemalaysiatoday.com/category/bahasa/2016/02/03/saya-dipecat-kerana-kritik-1mdb-dana-rm2-6-bilion-mukhriz/>